

Ekwo-ozì, Pòlu Deru Nù Ndu
Galeshiya

¹ Ekwo-ozì-a shì l'ẹ̀ka m̀bẹ̀ Pòlu, onye-ishi-ozì Jizọ̀su Kéreshì. Onye-ishi-ozì, e meru mu ta abụ̀kwa nemadzụ̀ meru mu iya; ọ̀phu ọ̀ bụ̀kwa nemadzụ̀ bẹ̀ o shì l'ẹ̀ka. Ọ̀ kwa Jizọ̀su Kéreshì yẹ̀e Chileke, bụ̀ Nna bẹ̀ o shì l'ẹ̀ka, mbụ̀ onye ono bụ̀ iya meru gẹ̀ Jizọ̀su ono shì l'Ọ̀nwu teta dzụ̀ru ndzụ̀ ono. ² Ụ̀nwunna anyi, mu l'ẹ̀phe nọ̀ l'ẹ̀ka-a bẹ̀ mu l'ẹ̀phe tukurọ̀ ekele iphe, bụ̀ Chìochì, nọ̀ lẹ̀ Galeshiya.

³ G'eze-iphe-ọ̀ma; yẹ̀le nchì-adụ̀-doo bụ̀kwaru k'unu; mbụ̀ ọ̀phu shì l'ẹ̀ka Chileke, bụ̀ Nna; waa l'ẹ̀ka Nnajiuphu anyi, bụ̀ Jizọ̀su Kéreshì, ⁴ bụ̀ onye ono woru onwiya nù g'e gbua g'ọ̀ bụ̀ru ngwẹ̀ja, e gude gwefu iphe-ẹ̀jì anyi; k'ọ̀phu ọ̀odzota anyi l'ẹ̀ka mgboko-a, iphe-ẹ̀jì jiru ejìjì-a. Iphe ono bụ̀ru uche Nna anyi, bụ̀ Chileke bẹ̀ o meru ono. ⁵ Anyi sù g'ajaja bụ̀ru kẹ̀ Chileke jasù lẹ̀ tuutuutuu lẹ̀ m̀jìmìimìi. Nokwa g'ọ̀ dụ̀!

Ozi-ọ̀ma lanù kpoloko dụ̀

⁶ Iphe ọ̀wa-a dụ̀kwa mu nù biribiri l'ọ̀ tọ̀ dụ̀edu g'ọ̀ nọ̀beru unu gbẹ̀ agbakutawaru nù Chileke unu ono azù; mbụ̀ onye ono kuru unu ono gẹ̀ Kéreshì eshì l'eze-iphe-ọ̀ma ono, o meru unu ono dzọ̀ta unu; unu gbẹ̀ wowarunu iphu ghaarù ozi ọ̀zo gbarù iche; ⁷ mbụ̀ ozi ọ̀phu abụ̀du ozi-ọ̀ma ililekpọ̀; ọ̀chia l'ọ̀ dụ̀ru ndu agbaghashì unu agbaghashì; ndu eme g'ẹ̀phe gbanwee ozi-ọ̀ma kẹ̀ Kéreshì ono. ⁸ A-o; teke ọ̀ bụ̀kwa l'ọ̀o anyìbedua; ọ̀zoo ojosi, shì l'imigwe byaru bya eziahaa unu ozi-ọ̀ma ọ̀phu yẹ̀e ọ̀phu anyi ziru unu adagbaduru; g'a

tụ-phukwaa ya l'ọnu. ⁹ Ọo iphe, anyi pfuhawaru bẹ mu epfu ọzo nta-a sụ: onye ezi unu ozi-oma ọp̄hu yẹ ọp̄hu anyi ziru unu adagbaduru; gẹ Chileke tụ-phukwaa onye ono l'ọnu g'ọ laa l'iswi.

¹⁰ ?Ọ dū unu gẹ mu eme gẹ mu pfua iphe, a-tso ndiphe ọzoo Chileke uto le nchi? Tọo ?Bụ gẹ mu mee gẹ ndiphe sū le mu bụ onye oma? Ọ bụ l'iphe, mu eme bụ g'a sū le mu bụ onye oma mẹ mu ta abukwaru onye-ozī kẹ Kéreshi.

Pọlu epfu gẹ ya gude bụru
onye-ishi-ozī

¹¹ Sū: iphe, unu a-maru; unwunna mu; bụ l'ozī-oma ọp̄hu mu ezije ta abukwa l'uche nemadzu bẹ o shi. ¹² Kẹle ọ tọ bụdu nemadzu bẹ o shi l'ẹka; ọp̄hu ọ bụdu nemadzu kpọ-ziru mu uto iya. Ọo Jizọsu Kéreshi goshiru mu onwiya l'ophulenyā bya eworu ozi-oma ono ye mu l'ẹka.

¹³ Unu nūmawaru-a gẹ ndzu mu shi dū teke mu shi eme k'omelali, ndu Jiu egudeje abaru Chileke ẹja; gẹ mu shi eme Chiochi kẹ Chileke ewere emegharu iya ẹka. Unu nūmawaru l'iphe, mu shi emekpọep̄ho gẹ mu mee bụ gẹ mu mebyia ya l'ophu l'ophu. ¹⁴ Mu shi atukojekpọep̄ho ekemu ndu Jiu ono mekota g'a tūru iya. Mu mekpọeru iya pho metaberu iya k'ophu mu tukoru igwerigwe ndu mu l'ep̄he bụ ọgbo gbaghakota l'ememe iya; tẹme eme omelali ndiche anyi phẹ shi anoduje aphukpoo mu l'ehu shii.

¹⁵ Obenu le Chileke, bụ iya doberu mu iche eshi l'ep̄ho ne mu; byaru ekuā mu; ono bụru eze-iphe-oma, o meru mu. ¹⁶ Ọ bya ekpuhaa nwa iya ono goshi mu k'ophu mu awata aturu ndu abudu ndu Jiu ọnu iya. Ọp̄hu ọ dudu nemadzu, dzu ndzu mu chikoshiru iya. ¹⁷ Ọp̄hu mu ejekwarupho Jierusalẹmu kẹ gẹ mu jepfu ndu vuru

uzo buru ndu-ishi-ozhi-a je phe akpata ishi. Iphe, mu mechiaru bu le mu gbeshiru tugbua bahu le Arebiya bya eshi eka ono laphu azu le Damasukosu. ¹⁸ A nopho mgbarapha eto; mu tugbua jeshia Jierusalemu ge mu je amaru Pyita. Mu l'iya no idzu eto. ¹⁹ Ole o to dudu ndu-ishi-ozhi ono ndu ophuu, mu humaru gbahaa Jiemusu, bu nwune Nnajiuphu anyi.

²⁰ Oo Chileke nwekiya maru l'iphemiphe-a, mu no l'iphu iya ederu unu-a ta adudu ophu bu uka, mu nodu adzu iya.

²¹ Tobudu iya bu; mu tugbua jee ali Siriya bya ejee ali Silisiya. ²² G'e pfukpo-a ta abukwa le Chiochi Kereshi le Jiudiya g'ephe ha duru ndu ophu mawaru onye mu bu. ²³ Iphe, ephe anupho le nchi buepho l'a suru le "onye-a, shi emephe anyi ewere-a be asaakwa ozi-oma ke g'e kweta ke Kereshi ono asasa. Mbui ekwekwe ono, o shi eme g'o mebyia emebyi ono." ²⁴ Noo g'o gude ephe nodu ekeleje Chileke ekele opfu ehu mu.

2

Polu ejepfu ndu-ishi-ozhi ndu ophuu

¹ A nopho apha iri l'eno mu le Banabasu swiru laphushia azu le Jierusalemu. Mu duta Tayitosu anyi l'iya swifuaru. ² Iphe, mu gude jee bu le mu humaru iya l'ophulenyia. Mu le ndu ono, bu ndu-ishi ono bya anoo ndzuko k'iche. Mu bya eworu ozi-oma ono, mu ziru ndu abudu ndu Jiu ono togboru phe eba. Oo ya bukwanu g'akanya, mu sehawaru me ophu mu ese nta-a ta aburu mu ke mmanu. Ephe zua mgbede. ³ Ophu e kebutakpodaru nu Tayitosu-a, abudu onye Jiu-a, mu l'iya swia g'o bua ubvu. ⁴ Ole g'o duhabe; o dukwarua ndu meru g'ephe bua ya ubvu; ndu pyobataru eme g'ephe bu ndu ke Kereshi; 'ama l'ephe ta abudu iya; l'oo ngge

bẹ ẹphe byaru anwunwu g'ẹphe bya bya egeta g'anyi gbakuta-beru ekemu azu opfu l'anyi bu ndu ke Kereshi. Iphe, ẹphe shi achọ ọzo iya bu g'ẹphe mee anyi g'anyi mejeepho iphe ekemu phe pfuru g'ohu anọje eme iphe onye gbaru iya nu pfuru-a. ⁵ Ophu anyi ekwekwanu haaru phe ọzo ahaha ophu kpọ g'ọ ka mma l'ọo mgbo lanu g'ee-shi g'anyi edoberu unu iphe ono, bu okpobe-opfu ono, bu ozi-oma onoya.

⁶ Obenu le ndu ono, a suru l'ẹphe bu ndu-ishi ono; mu ta akpakwa ishi iphe, ẹphe bu; kele Chileke ta adukwa onye oole enya l'iphu; ndu ono, a suru l'ẹphe bu ishi ono ta adukwa iphe ọzo, ẹphe yeru onu su ge mu yebaa l'ozima ono. ⁷ O gbekikwa buru iphe, ẹphe meru bu l'ẹphe humaru le Chileke wowaru ozi-oma ono ye mu l'eka ge mu je ezia ya ndu abudu ndu Jiu; mbu egube ono o wokwaru iya pho ye Pyita l'eka g'o je ezia ya ndu Jiu. ⁸ Kele ọo g'ike ke Chileke reru ire l'ehu Pyita; o buru onye-ishi-ozima zia ndu Jiu ozi-oma ono; bukwapho g'ike ke Chileke reru ire l'ehu mu; mu buru onye-ishi-ozima zia ya ndu abudu ndu Jiu. ⁹ Tobudu iya bu; Jiemusu me Pyita me Jionu bu ndu ono, a suru l'ọo phe bu ndu-ishi, gudeshi Chiochi-a bya amaru l'ọo Chileke yeru mu ozi-oma ono l'eka. Epe zua mgbede; bya ana mu le Banabasu l'eka; bya ekweta l'anyi l'ẹphe tukoru buru nanu. Anyi l'ẹphe bya atukokwapho wua onu nanu le mu le Banabasu a-ndu ezi ndu abudu ndu Jiu ozi-oma ono; g'ephebedua zije iya ndu Jiu. ¹⁰ Iphe lanu, ẹphe suru g'anyi mee bu g'anyi nyatajekwa ndu akpa nri. Ono be mu kukebekporu ehu eme.

Mba, Pọlu baru Pyita le Antiyoku

¹¹ O be ge Pyita byaru Antiyoku; mu pfuru iya l'iphu baaru iya mba l'edzudzu-oha; kele o nweru iphe, o meru

deru iya nū. ¹² Lẹ teke mbū kpọ bẹ Pyita yẹe ndu abụdu ndu Jiu shi erigbajẹ nri. E mechaa gẹ ndu ẹphe lẹ Jiemusu nọ byapfutachaeru iya phọ; o bufu onwiya sū l'ẹphe lẹ ndu ono, abụdu ndu Jiu ono tee rigbaedu. Kẹle ọ wataru atsū ndu Jiu ono ebvu, bụ ndu sūru l'onnyemonye bufutajẹadaa úbvù ono. ¹³ Ụnwunna anyi ndu Jiu ndu ọphuu bya eyefua ẹka l'ogozì Pyita phẹ ọbu. Mbū lufuchakpo lẹ Banabasu bẹ ẹphe jítachakwaru o tsoru phẹ bụru ndu ogozì. ¹⁴ O be teke mu byaru bya ahuma l'ẹnya mu; l'ẹphe te etsodu ozi-oma ono lẹ nhamunha iya; mu pfulu l'iphu ndu Chiochi g'ẹphe ha sū Pyita: “Hụmanu gẹ gụbedua bụ onye Jiu; tẹme ị nọdu eme umere ndu abụdu ndu Jiu; ?Denuhununu g'o gude ị nọdu eme g'i kebuta ndu abụdu ndu Jiu g'ẹphe meje ekemu ndu Jiu?”

Ekweta adzọ ndu Jiu waa ndu abụdu ndu Jiu

¹⁵ A makwaru-a l'anyịbedua bẹ a nwụkpooru; anyi bụru ndu Jiu; ẹbe anyi abụdu ndu iphe-ẹji gẹ ndu abụdu Jiu bụ. ¹⁶ Obenu l'anyịbedua maru l'ọ tọ bụdu eme g'a tūru l'ekemu emeje nemadzū g'ọ bụru onye pfuluberekoto l'iphu Chileke; l'ọo ekweta kẹ Jizosu Kéreshi. Ọo ya bụ l'anyịbedua kwaphọ, kwetawaru kẹ Jizosu Kéreshi a-bụru ndu pfuluberekoto l'iphu Chileke; ọ tọ bụkwa kẹle anyi eme iphe, a tūru l'ekemu. Noo kẹle ọ tọ dudu onye Chileke agụ l'onye pfuluberekoto opfu l'onye ono meru iphe, a tūru l'ekemu. ¹⁷ Eshinu anyịbe ndu Jiu emekwaphọ g'anyi shi Kéreshi l'ẹka bụru ndu pfuluberekoto l'iphu Chileke; ọ n'iya bụ l'anyi kwewaru l'anyi bụhukwapho ndu eme iphe-ẹji gẹ ndu amadu ekemu Chileke. Teke ọ bụ l'ọ dū nno; ?ọ pfulu lẹ Kéreshi eme g'eme iphe-ẹji kabaa shii tọo? Tụswekwa! ¹⁸ Kẹle ọ -bụru lẹ mu wataru emekwaa

iphe, mu shi mebyiwaa emebyi bẹ mu buakwaa onye emebyi ekemu. ¹⁹ Mu gudeakwa eme ekemu; mu hụma lẹ mu nwụhuwaru anwụhu; l'ekemu gbuwaru mu egbugbu; g'ee-shi gẹ mu a-dzuru Chileke ndzụ. ²⁰ A kpọpyabewaru mu lẹ Kéreshi l'oswebe. Nta bẹ mu nọakwaa ndzụ. Ọlẹ ọ tọ bụdu mu nọ ndzụ ọbu; ọ buakwaa Kéreshi nọ ndzụ l'ime ẹhu mu. Ndzụ ọphu mu nọ l'eliphe nta-a bukwa lẹ mu kwetarụ kẹ Nwa Chileke bẹ mu gude nọdu iya; mbụ onye yeru mu obu; woru ishi ndzụ iya tūa l'opfu ẹhu mu. ²¹ Mu taa jikakwa eze-iphe-oma kẹ Chileke. Ọ -būru l'ọo eme ekemu bẹ e-me amadụ onye pfulerekoto l'iphu Chileke; ọ n'iya bụ l'anwụhu, Kéreshi nwụhuru te enwedu ishi.

3

Ekweta ọzoo eme ekemu

¹ Oo-waa! Ẹgube g'eswe unubẹ ndu Galeshiya habekpọkwana! ?Bụ onye kabẹ rwaa unu ẹka l'iphu g'unu jika ọkpobe opfu ono? ?Tọbudu unu bẹ mu tukuru k'anwụhu, Jizọsu Kéreshi nwụhuru l'oswebe tọgboru ẹba; o doo unu ẹnya ree-a? ² Iphe lanụ, mu aji unu bụ: ?Bụada-a iphe, ekemu pfuru bẹ unu meru tẹme unu nata Unme-dụ-Nsọ ono, unu nataru ono? ?Tọbudu l'unu nūmaru ozi-oma kẹ Kéreshi ono bya ekweta? ³ ? Denuhununu g'o gude unu gbẹ būru ndu eswe? Lẹ mbụ bẹ unu gude Unme kẹ Chileke gbube ishi etso Kéreshi. ? Būhununu gūnu meru iphe, unu parụ Unme Chileke ono buhaa dobesu l'ọo ike k'unu bẹ unu e-gude tsokota Kéreshi ọbu? ⁴ ?Iphe-ẹhuka ono, unu jekotarụ ono bụ kẹ mmanụ tọ? Ọ tọ dukwa mu g'ọ bụ kẹ mmanụ. ⁵ Chileke anọdujekwa anụ unu Unme-dụ-Nsọ bya emeshiru unu iphe-ọhumalenya. ?Ọ tukuru iphemiphe ono eme opfu

l'unu eme iphe, ekemu pfuru t̄o bu-a l'ole unu n̄umaru ozi-oma ono bya ekweta?

⁶ Nokwapho ge Ébirihamu kwetarū kẹ Chileke; o ḡuaru iya ya l'apf̄ubekoto. ⁷ Oo ya bu l'unu eleana iya enya; l'oo ndu kwetarū kẹ Chileke be bu unwu Ébirihamu. ⁸ Ekwo-opfu Chileke pfuhawaru s̄u lẹ Chileke e-me ndu ab̄udu ndu Jiu g'ephe b̄uru ndu pf̄uberekoto m'ephe -kweta kẹ Chileke. E vuhawaa ̄uzo zia Ébirihamu ozi-oma ono s̄u iya: “Ébirihamu; oo l'eka ngu be e-shi meeru ndiphe mgburugburu eze-iphe-oma.” ⁹ Oo ya bu; l'eshinu Ébirihamu kwetarū kẹ Chileke; Chileke ḡooru iya onu-oma; be o bukwapfo egube ono be Chileke aḡoru onu-oma n̄u iphe, bukpo ndu kwetarū nkiya.

¹⁰ Iphe, bukpo ndu chiru upfu kw̄e l'ekemu s̄u l'oo eme ekemu a-dzo ph̄e be buakwaa ndu a t̄uru onu. K̄e ekwo-opfu Chileke sukwaru: “Onye ta at̄ukoduru iphemiphe, e dek̄otarū l'ekwo ekemu g'̄o ha eme buakwaa onye a t̄uru onu.” ¹¹ Iphe lan̄u, dokp̄ooru enya ree bu l'o t̄o d̄udu onye a-du ike egude eme iphe, ekemu pfuru ab̄uru onye pf̄uberekoto l'iphu Chileke. K̄e “Onye pf̄uberekoto bukwa ekweta be oo-gude n̄odu ndz̄u.” ¹² Obenu l'eme iphe ekemu pfuru ȳe ekweta kẹ Chileke ta ad̄ukwa iphe, ephe jigba; k̄e e dekwarupho s̄u: “L̄e ndu emegbuje iphemiphe, ekemu pfuru egudekwa iya ph̄o dz̄uru ndz̄u.”

¹³ K̄eshi gbaf̄utaru anyi l̄e mbur̄onu, ekemu meru anyi vuru; eshinu o vutachiru anyi mbur̄onu ono anyi shi vuru ono. K̄e ekwo-opfu Chileke sukwaru: “Iphe, bukpo onye a pfugburu l'eli oshi bukwa onye lar̄u l̄e mbur̄onu.” ¹⁴ K̄eshi lar̄u l̄e mbur̄onu ono g'ee-shi g'eze-iphe-oma, Chileke s̄uru l̄e ya e-meru Ébirihamu eshi l'eka kẹ K̄eshi Jiz̄osu rwua ndu ab̄udu ndu Jiu

ẹka. Anyịbedua e-shikwanụ l'ekwekwe, anyi kweru ọ́ Kéreshi nata Unme ono, Chileke kwehawaru ukwe ọ́ ya a-nụ anyi ono.

*Iphe, a tudoru ekemu waa iphe,
Chileke kweru ukwe iya*

¹⁵ Ụnwunna mu; gẹ́ mu gudekpọ́adanu iphe, anyi emeje nmaaru unu ẹtu ọ́wa-a. Amadụ́ -kee ekpe dee ya l'ẹkwo byia ya ẹka ta adụkwa onye emebyi iya nụ; ọ́phu ọ́ dụkwa onye eyekwa iya iphe; mbụ́ a makwarụ́-a l'ọ́o ekpe, nemadzụ́ keru. ¹⁶ Sụ́-a; ọ́ kwa Ébirihamu yẹe oshilọ́kpa iya bẹ́ Chileke kweru ukwe-iphe. Ọ́ tọ́ sụkwaru iya l'ọ́o yẹle ndu shi l'ọ́kpa iya; g'ee-gudekwanụ́ nno makwanụ́ru l'ọ́o ikpoto nemadzụ́. Ọ́ sụru iya l'ọ́o yẹe oshilọ́kpa iya, bụ́ iya bụ́ l'ọ́o onye lanụ́, bụ́ iya bụ́ Kéreshi ọ́bu. ¹⁷ Mbụ́ l'iphe, mu epfu bụ́ ọ́-a; l'ogbandzu ono, shi Chileke l'ẹka bẹ́ Chileke kwetarụ́ ukwe sụ́ ọ́ ya e-me iphe ya pfuru. Sụ́-a; ekemu, a nọ́adaru ụnu apha l'apha ụkporo l'iri gẹ́ Chileke kwechaaru ukwe-iphe ono tẹ́me ekemu ono bya ta ayịkwa gbukaa iphe, Chileke kwewaru ukwe iya. O to mekwa ukwe-iphe ono, Chileke kweru ono g'ọ́ bụru iphe-mmanụ́. ¹⁸ Ọ́me ọ́ bụada g'e me iphe, ekemu pfuru tẹ́me Chileke emee iphe, o kweru ukwe iya mẹ́ aamanụ́ru l'ọ́ tọ́ bụedu ukwe-iphe. Obenu ọ́ Chileke nụru Ébirihamu iphe, o kweru ukwe iya; opfu l'o kwewaru iya ya.

¹⁹ Sụ́-a; ?ọ́ bụhunuru gụnu bẹ́ a tụ́-doru ekemu? Iphe, a tụ́-doru ekemu bụ́ g'ekemu goshi iphe eme iphe-ẹ́ji bụ́. A tụ́-doru iya g'ọ́ nọ́du jasụ́ teke oshilọ́kpa Ébirihamu ọ́bu a-bya, bụ́ iya bụ́ onye ọ́bu, Chileke kweru ukwe-iphe doberu ọ́bu. Ọ́o Chileke tųru ekemu ono bya agbẹ́ l'ẹka ụ́nwu-ojozi-imigwe woru iya nụ́ onye-ẹ́to bụ́ Mósisu, nọ́-chiru ẹ́nya nemadzụ́ g'ọ́ tųaru ndiphe. ²⁰ L'ọ́ kwa

a -dụ ẹbo eme iphe bẹ aachọje onye-ẹto; obekwanu ẹ Chileke bụ onye lanu.

²¹ Ọ pfuru l'ekemu egbuka iphe, Chileke kweru ukwe iya egbuka tọ? Tụswekwa! Kẹle ọme ọ -duru ekemu, a turu g'o gude ndzụ mẹ apfubekoto l'iphu Chileke eshinu l'edobe ekemu. ²² Obenu l'ekwo-opfu Chileke egoshi ẹ ndiphe mgburugburu bẹ iphe-ẹji pyitaru l'ekpiri. Iphe, o gude egoshi iya ono bụ g'iphe ono, Chileke kwetarụ ẹ ya e-meru onye woru onwiya ye Kéreshi ono l'ẹka abụerupho ndu woru onwophẹ ye Kéreshi l'ẹka bẹ oomeru iya kpoloko.

²³ Kẹle teke k'ekweta teke adudu bẹ ekemu shikwa tuchia anyi atuchi g'anyi ta ahuma ụzo anyi e-shi kweta kẹ Kéreshi. ²⁴ Ọo ya bụ l'ekemu shi edu anyi ụzo g'onye eleta unwegirima ẹnya; dua anyi jasụ Kéreshi bya g'anyi a-buru ndu Chileke guru ẹ ndu pfuberekoto; opfu l'anyi woru onwanyi ye iya l'ẹka. ²⁵ Nta-a, Chileke gụhawaru anyi ụzo g'anyi woru onwanyi ye Kéreshi l'ẹka-a bẹ anyi ta nọkwa l'ẹka onye ono, eleta anyi ẹnya ono, bụ iya bụ ekemu.

²⁶ Ọo ya bụ; l'eshinu unu wowaru onwunu ye Kéreshi l'ẹka; unu l'iya tuga buru nanu bẹ unu bukotawa unwu kẹ Chileke. ²⁷ Ẹ g'unu ha buru ndu e gude ẹpha Kéreshi mee baputizimu bẹ yeakwaru Kéreshi g'onye yeru uwe. ²⁸ Mkpocha l'onye-a bụ Jiu ẹbe onye-a abudu ta adụekwa; ọphu ọ dụekwa l'onye-a bụ ohu; onye-a buru amadu; ọphu l'onye-a bụ nwoke onye ọphuu buru nwanị adụekwapho; kẹle g'unu ha shiwa l'ẹka Kéreshi tuga buru nanu. ²⁹ Sụ: unu -būwaru ndu kẹ Kéreshi bẹ unu būwaa oshilokpa Ébirihamu, bụ iya bụ ndu iphe ono, Chileke kweru Ébirihamu ukwe iya ono rwuberu.

4

¹ Sụ-a; waa iphe, mu e-gude goshi unu iphe, mu epfu bu ọwa-a: l'onye bu iya e-mechaa ria iphe nna iya; be teke o bu nwata be bukwa g'eeme ohu bu g'aanoduje eme iya. A makwaru-a l'oo ya nwe iphemiphe; ² ọle oonwejeru onye yee ya bu; onye a-nodu emefuta iya nu; l'o dukwarupho onye a-nodu eleta iphe, o nweru enya jasụ teke nna iya pfuru sụ l'o noo teke nwata ono sụwaru egweta iphe iya. ³ Nokwapho g'o du l'eka anyi no bu ono. Teke anyi te eshidu maru iphe be obvu, bugbaa ishi mgboko ọwa-a shi mee anyi ohu phe. ⁴ Ọle o rwuru teke o gbaru; Chileke ye Nwa iya sụ g'o bya. O bya aburu nemadzu; nwanji nwua ya. O buru iphe, ekemu suru g'e meje be oomeje; ⁵ g'oo-shi egube ono gbata ndu ekemu keru egbu; g'ee-gude egube ono Chileke anata anyi g'anyi buru unwu iya.

⁶ O buru l'oo l'unu buwaa unwu iya meru g'o gude Chileke woru Unme Nwa iya ye unu l'obu; mbu Unme ophu emeje g'e kuje Chileke "Nnana!" ⁷ Oo ya bu l'e shi Chileke l'eka; ophu i buedu ohu; i buwaru nwa Chileke. Eshinu i buwaa nwa Chileke buanaa ya-a bu l'i yiwaa le ndu e-ri iphe ono, Chileke doberu unwu iya ono.

Polu agba egomunggo ke ndu Galeshiya

⁸ Le mbu teke unu eshidu maru Chileke be unu shi bugbaaru ohu iphe, abudu Chileke. ⁹ Obe nta-a, unu byawaru bya amaru Chileke-a; waawaa; ge mu pfuchia ya egube-a; o chia nta-a, Chileke mawaru unu-a; be mu suru: ?Denuhunu g'o gude unu dakobe alaphu azu alapfu obvu ono, adudu ike du iya nu; teme o buru iphemmanu ono? ?Bu gunu meru g'o gude unu nodu eme g'unu laphukporo azu je aburu ohu phe ozo? ¹⁰ Unu aboje mboku l'obo-iphe; me onwa; me teke iphe meru;

mẹ ąpha. ¹¹ Ndzụ unu anọdujekwa agụ mu. ?Ozi, mu jeru l'ishi unu ta abụduru mu nụ kẹ mmanụ?

¹² Ụnwunna mu; mu arwọ unu arwọrwo; sụ g'unu dụnụ gẹ mu dụ; kẹle mbẹdua dūwaa g'unu dụ. Ọ tọ dūkwa iphe, dụ ẹji, unu meru mu ililekpọo. ¹³ Unu maru-a l'ọo teke iphe eme mu bẹ mu byaru ezia unu ozi-oma ono lẹ mbụ. ¹⁴ E -gudekpọkwaaro l'iphe, eme mu nụ shi bụru unu oke iphe-ọhutama; ọle mu ta adūkwanu unu ashị; ọphu unu ajikakwaru mu. Unu gbẹnu meberu mu ree gẹ mu bụ ojozi-imigwe; ọzoo lẹ mu bụ Kéreshi Jizọsu l'onwiya. ¹⁵ ?Unu meru ẹhu-a, shi tsọo unu ụtso l'opfu ẹhu mu teke ono-a imagha? Kẹle mu maru l'a ta tūdu iya ẹgo; l'ome unu dūru ike teke ono mẹ ọ bụchaaru k'unu aswọshi akpuru ẹnya nkunu chiẹ mu. ¹⁶ ?Mu gbẹnu bụwaru onye opfu unu nta-a; opfu lẹ mu pfuru unu iphe, bụ ọkpobe-opfu?

¹⁷ Ndu ono, eduphu unu ono emekwaru unu ẹmereme shii; ọo l'ọo g'unu makwaru l'iphe, ẹphe emedoru unu ẹmereme ono ta adūkwa ree. Ẹphe emekwa g'ẹphe bufu unu l'ẹhu mu g'unu gbaru tsoru phẹ. ¹⁸ Agbatsoru ndu ọzo adūjekwa ree; ọo l'ọo g'unu gbatsojekwaru ndu ọbu m'ẹphe -nọdu epfu iphe, dū ree. Unu mejekwa ẹgube ono tekenteke; g'ọ tọ bụekwapho teke mu l'unu nọ. ¹⁹ Ụnwu mu! Mu nọkwa l'iphe-ẹhuka opfu ẹhu unu nta; mbụ gẹ nwanyị, abya ezeda. Mu je a-nọdu l'iphe-ẹhuka ono jasunupho teke unu a-dụ gẹ Kéreshi. ²⁰ Ọ dūe mu phọ g'a sụ lẹ mu l'unu nọ nta-a; mẹ mu amaru gẹ mu gege dobe ọnu pfuaru unu opfu. Nta-a bẹ ọ tūfuru mu ẹhu gẹ mu e-mekpọo k'ẹhu unu.

Ẹtu Hega yẹe Sera

²¹ Unubẹ ndu ọogu anọdu emeje iphe, ekemu pfuru; unu kaeshikwaru mu; ?unu ta anụmaduru iphe ekemu

pfuru tọ? ²² Kẹle e dekwaru sù lẹ Ébirihamu nwùtaru ùnwegirima unwoke labọ. Onye lanù bụ nwanyị, bụ ohu nwùtaru iya ya; onye ọphuu bụ amadụ yeru iya ya. ²³ Onye ọphu, ohu yeru bẹ a tsùtaru ime iya ẹbe ọ dudu ukwe Chileke kweru swibe l'ẹhu iya k'iche. Onye ọphuu, shi l'ẹka amadụ phọ bẹ a tsùtaru ime iya opfu lẹ Chileke kweru ukwe l'aa-nwù iya. ²⁴ Mu gude iphe ono, mehawaru nù ono anmarù unu ẹtu. Ùnwanyi ono ẹphenebo, bụgbaa ne phẹ ono nọ-chiru ẹnya ọgbandzu labọ, shi Chileke l'ẹka. Onye ọphu, bụ Hega nọ-chiru iphe ono, Chileke kweru ukwe iya l'ọgbandzu shi l'eli úbvú Sayịnai. Ùnwu nkiya bẹ a nwùru g'ẹphe bụru ohu. ²⁵ Hega nọ-chiru úbvú Sayịnai ono nọ l'alì Arebiya. Ọ bụru Arebiya ono bụ Jierúsalemù kẹ nta-a. Noo kẹle yẹ ụnwu iya shi bụru ohu. ²⁶ Obenu lẹ Jierúsalemù ọphu dù l'imigwe ta abudu ohu; tẹme ọ bụru iya bụ ne anyi. ²⁷ Kẹle e deru l'ẹkwo-opfu Chileke sù:

“Tee ẹswa gùbe nwanyị,
 pfuru apfuru,
 eteke atsù-swee ime!
 Gude ẹhu-ùtso tee ẹswa
 gùbe nwanyị,
 amadụ iphe,
 eme lẹ nka nwanyị,
 ime eme;
 Kẹle nwanyị ono,
 e shi gbado agbado ono
 l'a-gbẹ kanù enweru
 nwa eme lẹ nwanyị
 ọphu alù ji.”*

²⁸ Sù-a; ùnwunna mu; anyịbedua bụakwapho ùnwegirima e kweru ukwe iya tẹme a nwùra phẹ gẹ

* 4:27 4:27 Gùnaa Azá 54:1.

Áyizaku. ²⁹ Ọ bụkwarupho g'ọ dū teke ono bụ g'ọ dū nta-a. Teke ono bẹ onye k'ono, a tsutaru ime iya gẹ kẹ ndu ọzo pho shi anọduje akpa onye ọphu ndzū iya shi l'ẹka Unme Chileke pho ẹhu. ³⁰ Ọle ?bụ gūnu bẹ ẹkwo-opfu Chileke pfuru? Ọ sūru: “Chifukwa ohu yẹe nwa iya; kẹle nwa, shi l'ohu bẹ yẹe nwa, amadu nwuru taa gbakwaru mgba eke iphe nna phe.” ³¹ Ọo ya bụ; unwunna mu; anyi ta abukwa unwu, ohu nwuru; anyi bukwa unwu, nwanyi bụ amadu nwuru.

5

Enweru onwonye l'ime Kéreshi

¹ Kéreshi tọakwaru anyi l'ẹgbu; sū g'anyi ba bụheru ohu. Ọo ya bụ; unu pfushia ike. Unu te ekwekwa g'ọ dūru onye e-gude ekemu mee unu g'unu būru ohu ọzobaa.

² Sū-a; gẹ mube Pọlu karu unu; ọ -būru l'unu buru úbvù bẹ Kéreshi ta adukwa urwu, ọ baru unu. ³ Gẹ mu kasachakwaa onyemonye, buru úbvù nchị; l'o mefutajekwa iphemiphe, bụ iphe, ekemu pfuru g'ọ ha. ⁴ Unubẹ ndu eme gẹ Chileke gūa unu lẹ ndu pfuberekoto; opfu l'unu eme iphe ekemu pfuru bufuakwaru onwunu l'ẹka Kéreshi nọ. Unu nashakwaru onwunu eze-iphe-oma kẹ Chileke. ⁵ Ọ -būru anyibedua bẹ iphe anyi zoberu ele ẹnya eleshia iya ike lẹ Chileke a-gū anyi lẹ ndu pfuberekoto l'iphu iya bukwa l'anyi nataru Unme-dū-Nsọ; opfu l'anyi woru onwanyi ye Kéreshi l'ẹka. ⁶ L'anọduwaa l'ime Kéreshi bẹ l'e buru úbvù; ọzoo l'e te buduru ta adukwa iphe, ọ bụ. Iphe, bụ iphe, buakwaa ekweta kẹ Kéreshi ọphu shi lẹ n-yemobu.

⁷ Unu shikpokwa etsokotawa ụzo ono ree. ?Buhunu onye kposhiru unu anodu eme iphe, bụ okpobe-opfu ono nta? ⁸ Ọphu a maru bụ l'ọ tọ bụdu Chileke-a, bụ

iya kuru unu-a gbẹ bya apfubuta unu g'unu te emehẹ ọkpobe-opfu ono. ⁹ Ọ kwa nwa-ọ-chi-l'ẹka iphe-ekoje-buredi l'ekoje ishi buredi ophu. ¹⁰ Ọle atugba, anyi l'unu tųgbaru lẹ Nnajiuphu mekwarų-a gẹ mu shihu obu ike l'ẹka unu nọ; l'unu a-lwa azų bya etsozita ųzo wata arị iphe, mu arị; l'onye gbaghashiru unu agbaghashi; ọ -bų onye; ọ -bų onye-o; onye ono bẹ Chileke a-nmakwa ikpe.

¹¹ Obenu-a; ųnwunna mu; ọme ọ bų l'ọo g'e buje ųbvų bẹ mu ezijekwadu asa iya asasa ono; ?m'ọ bųhunuru gųnu bẹ o gude a nọdu a-kpakwadų mu ẹhu? Ọ -bų l'ọ dų ẹgube ono mẹ asasa, mu asa lẹ Chileke a-gųepho anyi lẹ ndu pfuberekoto; opfu lẹ Kéreshi nwųhuru l'oswebe tege adųkwa onye o gogo bųjeru iphe egbu. ¹² Teke ọ bų lẹ k'ebu ųbvų aphųnuka ndu ono, agbaghashi unu ono l'ẹhu g'ẹphe jenų je ahachafųa onwophẹ ahaha.

¹³ L'unubẹdua ųnwunna mu; bẹ e kukwaru bya atowaa l'ẹgbu. Ọle-a; unu ta ahakwa onwunu g'iphe, anọduje agų unu ẹgu waa iphe, unu arị l'ọkpoma bya ekee unu ẹgbu ọzo. Ọ chikwa iphe, unu a-nọdu eme bų g'onyemonye yee nwibe iya obu k'ọphu unu anọduje eyeru nwibe unu ẹka. ¹⁴ Kẹle ekemu ono g'ọ hakọta tųkoru kpakọo l'akpuru opfu lanų, bų iya bų: "Yee nemadzų ibe ngu obu g'i yeru onwongu." ¹⁵ Obenu teke ọ bų l'unu atakashi nwibe unu ẹru bya anmabushi nwibe unu anų; unu letakwa ẹnya a -nọnya unu tųko onwunu taẹbe.

Unme Chileke waa ẹjo-iphe agugbaa nemadzų

¹⁶ Ọle mu sųru-a; unu hakwaa Unme Chileke g'o goshije unu ųzo. Ọo ya bųkwanu g'unu ete emejeedu ẹjo-iphe, agugbaa unu. ¹⁷ Kẹle ẹjo-iphe agugbaa amadų bẹ ta adųjekwa Unme Chileke ree. Ọphu iphe, agųkwanu Unme Chileke adųjedu uche amadų ree. Noo l'iphe labọ

ono duru onwophe l'opfu. O buru iphe ono meru g'ogude ebe unu adujedu ike mee iphe, du ree, unu riru k'ememe. ¹⁸ Obenu teke o bu Unme Chileke egoshije unu uzo; o n'iya bu l'ekemu te ekeeduru unu egbu.

¹⁹ Su-a; iphe shigbaa l'uche amadu doru enya, bu iya bu eri ogori; apharwushi onwonye; eme umere, rehuru eruhu; iphere abvu l'iphu; ²⁰ agwo nshi; eme mgbashi; ndumashi; alwu ogo; okophoo; obu-oku; akpa enya; ekpa l'iche iche; ejo-nzi; ²¹ enya-pfurupfuru; egbu-ochi; me-atstutsu; eri angu-sweshi iphu; mewaro iphe dugbaa egube ono. Noo iphe shigbaa l'uche amadu bu ono. Su-a; ge mu lokwaa unu eka le nchi ge mu lohawaru iya unu; ndu eme nno taa bahukwa l'eka Chileke bu eze.

²² Obekwanu l'iphe shigbaa le Unme Chileke bu: nyemobu; ehu-utso; nchi-adu-doo; nshirima; eme odo; eme oma; ekweta; ²³ eme gelee; me esede onwonye. O to dudu ekemu, a turu swibe ndu k'ono. ²⁴ Ndu bukwanu ndu ke Kereshi Jizosu; wowaru ejo-iphe, agugbaa phe nu me ejo umere, shigbaa phe l'uche kopyabe l'oswebe. ²⁵ Eshinu anyi gude Unme Chileke dzuru ndzu; unu g'anyi hanaa ge Unme ono goshije anyi uzo. ²⁶ G'anyi te emejekwa iphe g'ee-shi g'a jaa anyi ajaja. Ophu anyi emejeshi nwibe anyi iphe, e-ghu iya egbu. Ophu anyi ejijekwaru nwibe anyi iji-enya.

6

Evuru ivu nwibe ngu

¹ Unwunna mu; teke o bu l'o duru onye e guderu gedegede teke o duru iphe, oome adudu ree; g'unubedua, Unme Chileke gude ndzu unu-a; jinaa obu oyi duphuta iya azu l'uzo pfuru oto. Ole o g'onymonye letakwa onwiya enya g'e te nwufuaru iya ye l'eme iphe-eji. ² G'onyenonu gbatajeru nwibe iya l'iphe,

atsū iya l'ēhu g'unu e-gude egube ono mekotaje ekemu, Kéreshi tūru. ³ Kēle onye rīru lē ya bū iphe l'ēka o dudu iphe, o bū; onye ono bukwa onwiya bē oome eswe. ⁴ O kwa g'onyenonu gudejekwa enya lee onwiya maru g'umere iya gbaru; l'i wotajē iphe, iime tūru yeru umere gbaru ngu nū. Oo ya bū; i ti jeēduro ewota iphe, i meru atūru eyeru k'onye ozo. ⁵ Kēle onyemonye e-vukwaru ivu nkiya l'onwiya.

⁶ G'onye, eezi ozi-oma kē Kéreshi ono hejekwa onye ezi iya ya nū iphe, dū ree, o nweru.

⁷ Unu te ekwekwa g'e duswee unu ūzo; Chileke ta abukwa onye akwa eswe; noo l'oo iphemiphe, onye kuru bē oowotaje akpuru iya. ⁸ L'onye eme ejo-iphe, agū iya nū bē a-lakwa l'iswi. Obenu l'onye eme gē Unme Chileke ziru iya bē Chileke a-nū ndzū ojejoje. ⁹ Oo ya bū g'ike ta abukwa anyi l'eme ree; kēle anyi e-ritakwaa urwu iya l'orwuberu iya mē anyi -gudeshia ēka anyi g'anyi gudeshi iya. ¹⁰ Oo ya bū g'anyi mejeru onyemonye ree nta, ūzo dūru anyi l'ememe iya. Ndu anyi a-kabajekpoo emeru ree ono bū ndu anyi l'ēphe bū onu-ulo lanū; opfu l'anyi tukowaru kweta kē Kéreshi.

Ekele

¹¹ Nta-a bē mu gudeakwa ēka mu gēdegede ederu unu ekwo obu. ?Unu ta ahumaduru g'akpuru opfu obu hachaa kakporo kakporo? ¹² O kwa ndu eme g'a jaa phē ajaja k'iphe, ēphe sūru l'e mefutaje l'eli ēhu bū ndu ekebutajē unu sū g'unu bua úbvù. Iphe, ēphe gude eme iya bū gē ndu Jiu ta akpa phē ēhu. Epe maru lē ndu Jiu gege akpa phē ēhu; ome ēphe kweru l'oo 'ēpho Kéreshi ono, nwuhuru l'oswebe ono a-dzo phē. ¹³ Ndu obu, bukporu nū úbvù obu ta abukwa l'ēphe emeje iphe ekemu pfuru. O kwa iphe, oogu phē

g'ephe mee g'unu bua úbvù bụ g'ephe abaaha aba l'ephe meru unu; unu mee iphe-ohubama l'anụ-ẹhu. ¹⁴ A bya ẹ mbẹdua; ṭswekwa! Mu ta ayikwa baa aba k'iphe ọzo gbahaa k'oswebe Nnajiuphu anyi, bụ Jizoṣu Kéreshi. L'eshi ọphu ọ nwuhuru l'oswebe bẹ iphe kẹ mgboko-a ta adụekwa iphe, ọ bụ mu; ṭeme mbẹdua ḍakwapho g'onye nwuhuru anwuhu l'iphe kẹ mgboko-a. ¹⁵ Kẹle an̄duwaa l'ime Kéreshi Jizoṣu bẹ l'e buru úbvù; ọzoo l'e te buduru ta adụekwa iphe, ọ bụ, ab̄edupho aburu onye Chileke meru k'òphúú. ¹⁶ Gẹ Chileke mee g'ẹhu d̄u iphe, b̄kpoo ndu etsoje ụzo ono, mu goshiru unu ono guu; ph̄kwaaru ph̄ ph̄ obu-imemini. Ọo ph̄ b̄ ọkpobe ndu Ízur̄lu kẹ Chileke.

¹⁷ S̄u-a; e -shi ntan̄-a g'ọ t̄o d̄ukwa onye epfuchibaa mu nch̄i. Ichii-iphe ọwa-a, mu vu l'ẹhu-a b̄akwaa iphe-ohubama, egoshi ẹ mu b̄ ohu Jizoṣu.

¹⁸ Ụnwunna mu; ḡ Nnajiuphu anyi, b̄ Jizoṣu Kéreshi mekwaaru unu eze-iphe-oma g'unu ha. Nokwa g'ọ d̄u!

Bayıburu Izii
Izii: Bayıburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 30 Dec 2021 from source files dated 30 Dec 2021

c6885c7c-c550-5b8b-a4fe-4bd714af4f6d